

## Գ.

Բալախոռու եւ Սիւնուր ղաշտ:

Բայրուրդից սկսած ճորոխը թեքում է դէպի հիւսիս արեւմուտք, մինչեւ Բալախոռու վտակի խառնունքը: Բալախոռու ականը ՃԱ-ի ամենա-արեւմտեան-հարաւային ծայրն է կազմում, շրջապատուած է հարաւից Սղբը-ջակ<sup>1</sup>, Օթլուկ, Ակրունդար, Կարաղաչ, Չորոզմա, Վալուկ եւ Զիարէթ լեռներով, որոնք եփրատ եւ Կալկիթ գետերի եւ Բալախոռու վտակի ջրբաժան գիծերն են կազմում:

Բալախոռու վտակը բազմաթիւ առուակներից է կազմուած, որոնք ոռոգում են ամբողջ ակաղանը: Արեւելեան-հարաւի կողմից Ակ-բարա լեռներից դէպի հիւսիս է իջնում Վարչին առուակը, որը ոռոգում է մեծ եւ փոքր Կշլակ, Բեռնա, Կալիսկավար, Վարիժնա, Տանիշման, Վարգական, Հնձաւերակ գեղերի հանգերը, ապա միանում է Հինդի առուին: Ակխովի լեռներից բղխում է եւ դէպի հիւսիս ուղղուում Հինդի առուակը Վարչին առուի հետ զուգընթացաբար եւ ոռոգում է Մագերա, Խոխո, Զիւջուգէ, Դիւտեր, Խաշիէ, Քելեվերիկ, Հինդի, Հինդիխան, Սինկարոս, Կուշկուրի, Չեմիսինիս

<sup>1</sup> Սղբջակ լեռները կոչւում են նոյնպէս Քրքլար (քառասուն դից օթեւան) եւ պաշտւում են բնիկներից, որոնց Քրիստոսի վանքը (Վոփէս առ-ի ասին) մի ժամանակ հեթանոսական տաճար է եղել քառասնից նուիրուած: